

## **PRIJEDLOG**

Na osnovu člana 18. Zakona o principima lokalne samouprave („Službene novine Federacije BiH”, broj 49/06), i člana 18. Statuta općine Maglaj („Službene novine općine Maglaj”, broj 8/07, 3/08 i 6/08), Općinsko vijeće Maglaj na sjednici održanoj dana \_\_\_\_\_ 2019. god. donosi

### **ODLUKU o mjesnim zajednicama na području Općine Maglaj**

#### **I. OPŠTE ODREDBE**

##### **Član 1.**

Ovom odlukom uređuje se obrazovanje, organizacija, poslovi mjesne zajednice, postupak izbora organa, način finansiranja, kao i druga pitanja od značaja za rad mjesnih zajednica.

##### **Član 2.**

Mjesna zajednica, kao oblik neposrednog učešća građana u lokalnoj samoupravi, obrazuje se za područje na kojem postoji interes stanovnika, koje predstavlja teritorijalnu i funkcionalnu cjelinu, na kojem postoji međusobna povezanost građana i mogućnost ostvarivanja zajedničkih interesa i potreba.

U mjesnoj zajednici građani mogu zadovoljavati određene zajedničke potrebe i interese u oblastima: uređenja naselja, stanovanja, komunalnih djelatnosti, zdravstvene i socijalne zaštite, zaštite životne sredine, obrazovanja, vaspitanja, fizičke kulture i drugim oblastima koje građani u mjesnoj zajednici smatraju bitnim za mjesnu zajednicu.

##### **Član 3.**

U mjesnoj zajednici svoje potrebe i interese građani zadovoljavaju i ostvaruju:

- pokretanjem inicijativa i učešćem u javnoj raspravi prilikom pripreme i donošenja prostornih i urbanističkih planova opštine za područje mjesne zajednice,
- pokretanjem inicijativa, davanjem mišljenja i učešćem u izgradnji komunalnih objekata i objekata u opštoj upotrebi, na području mjesne zajednice,
- pokretanjem inicijative i učešćem u javnim raspravama o aktivnostima koje su u vezi sa razvojem privrede i društvenih djelatnosti,
- prikupljanjem i dostavljanjem organima općine, javnim preduzećima i ustanovama predstavi i pritužbi na njihov rad, kao i inicijativa i prijedloga građana za rješavanje pitanja od njihovog zajedničkog interesa,
- učešćem u obezbjeđivanju prostornih, finansijskih i organizacionih uslova za sport i rekreaciju,
- organizovanjem raznih oblika humanitarne pomoći na svom području,
- zaštitom od elementarnih nepogoda i organizovanjem, otklanjanjem ili ublažavanjem posljedica od elementarnih nepogoda,
- saradnjom sa udruženjima građana o pitanjima koja su od interesa za građane mjesne zajednice i
- obavljanjem poslova koje im povjere organi općine.

#### **Član 4.**

Mjesna zajednica ima status pravnog lica.

#### **Član 5.**

Radi ovjere akata mjesne zajednice, mjesna zajednica ima pečat okruglog oblika u skladu sa zakonom. Općinska uprava općine Maglaj obezbeđuje izradu i uspostavlja evidencije o pečatima i licima odgovornim za upotrebu pečata mjesne zajednice.

#### **Član 6.**

Općinska uprava općine Maglaj dužna je voditi registar mjesnih zajednica na području općine Maglaj.

### **II. OBRAZOVANJE MJESNIH ZAJEDNICA**

#### **Član 7.**

Mjesna zajednica obrazuje se za dio naseljenog mjesta, odnosno za područje jednog ili više međusobno povezanih naseljenih mjesta.

#### **Član 8.**

Radi neposrednog učešća građana u lokalnoj samoupravi, u cilju zadovoljavanja zajedničkih potreba građana, na području Općine Maglaj obrazuju se sljedeće mjesne zajednice:

- 1.MZ Kopice,obuhvata naseljeno mjesto Kopice
2. MZ Brezove Dane, obuhvata naseljeno mjesto Domislica,Brezove Dane i Lugovi
3. MZ Čobe,obuhvata naseljeno mjesto Čobe,
4. MZ Radojčići, obuhvata naseljena mjesta Radojčići,Strupina i Galovac
5. MZ Novi Šeher, obuhvata sledeća naseljena mjesta : Novi Šeher,Mladoševica
- 6.MZ Liješnica,obuhvata naseljena mjesta Liješnica,Gornja Liješnica i Tujnica.
- 7.MZ Misurići,obuhvata naseljena mjesta Misurići,Jelovac , Poljice i Ošve.
- 8.MZ Ravna,obuhvata naseljeno mjesto Ravna,
- 9.MZ Oručje,obuhvata naseljeno mjesto Oručje.
- 10.MZ Moševac,obuhvata naseljeno mjesto Moševac.
- 11.MZ Kosova,obuhvata naseljeno mjesto Kosova,
- 12.MZ Jablanica,obuhvata naseljena mjesta Jablanica
- 13.MZ Bijela Ploča,obuhvata naseljena mjesta Bijela Ploča i Parnica
- 14.MZ Ulišnjak,obuhvata naseljena mjesta Gornji Ulišnjak i Donji Ulišnjak.
- 15.MZ Straište,obuhvata naseljeno mjesto Straište.

16.MZ Bočinja,obuhvata naseljena mjesta Gornja Bočinja i Donja Bočinja.

17.MZ Krsno Polje-Bakotić,obuhvata naseljena mjesta Krsno Polje i Bakotić.

18.MZ Bradići,obuhvata naseljena mjesta Gornji Bradići ,Donji Bradići.Fojnica,Tomići i Cerije

19.MZ Maglaj grad obuhvata naseljena mjesta Stari grad, Omerdino Polje i grad.

20. MZ Donji Rakovac obuhvata Brezici,Gornja Bukovica,Donja Bukovica,Rajново Brdo,Kamenica i Brusnica.

### **Član 9.**

Interes stanovnika za osnivanje, promjenu područja ili naziva mjesne zajednice utvrđuje se na Zboru građana.

Inicijativu za osnivanje, promjenu područja ili naziva mjesne zajednice može podnijeti najmanje 100 građana ,koji imaju prebivalište na području naseljenog mjesta,odnosno naseljenih mjesta za koje se predlaže osnivanje nove mjesne zajednice .

### **Član 10.**

Inicijativa za obrazovanje mjesne zajednice, za promjenu njenog područja ili naziva, obavezno sadrži:

- podatke o području za koje se predlaže obrazovanje mjesne zajednice,
- granice mjesne zajednice, broj stanovnika i drugo
- način na koji se predlaže obrazovanje mjesne zajednice,
- razloge zbog kojih se predlaže obrazovanje mjesne zajednice.

Inicijativa iz stava 1 mora biti obrazložena, i da sadrži i druge podatke koji će omogućiti da se, o pokrenutoj inicijativi, u utvrđenom postupku donese odluka.

### **Član 11.**

Predsjednik Vijeća mjesne zajednice je dužan da u roku od 30 dana od dana prijema inicijative, sazove Zbor građana, radi odlučivanja o pokrenutoj inicijativi.

O inicijativi iz prethodnog stava glasa se javno na Zboru građana, a inicijativa je prihvaćena ako se za istu izjasni većina od ukupnog broja prisutnih na zboru građana.

Usvojena inicijativa za obrazovanje mjesne zajednice, za promjenu njenog područja ili naziva dostavlja se načelniku Općine radi provođenja daljeg postupka u skladu sa Zakonom.

### **Član 12.**

Ukoliko Općinsko Vijeće utvrdi da su ispunjeni uslovi za osnivanje, promjenu područja ili naziva mjesne zajednice donosi odluku o prihvatanju inicijative za osnivanje, promjenu područja ili naziva mjesne zajednice.

Ako Općinsko vijeće utvrdi da ne postoje uslovi za osnivanje,promjenu područja ili naziva mjesne zajednice, donosi odluku o odbijanju inicijative i tome će obavjestiti podnosioca inicijative.

### **Član 13.**

Administrativno tehničke poslove za potrebe organa mjesne zajednice obavlja Općinska uprava Općine Maglaji.

Nadležna služba općine Maglaj vrši koordinaciju rada između Vijeća mjesnih zajednica i organa općine Maglaji, koja se sastoji u praćenju stanja u mjesnim zajednicama, pružanje stručne i druge pomoći u radu, prikupljanja informacija iz mjesnih zajednica u cilju izrade izvještaja i analiza za potrebe organa općine Maglaj.

U općinskoj administraciji vodit će se administrativni poslovi mjesnih zajednica putem kancelarije u kojoj će raditi koordinator.

### **III. VIJEĆE MJESNE ZAJEDNICE**

#### **Član 14.**

Organ mjesne zajednice je Vijeće mjesne zajednice (u daljem tekstu: „Vijeće“).

Broj članova Vijeća, utvrđuje se prema broju građana, upisanih u birački spisak koji imaju prebivalište na području mjesne zajednice Vijeće ima:

1. za mjesne zajednice do 1.000 registrovanih birača – tri do pet članova,
2. za mjesne zajednice preko 1.000 stanovnika registrovanih birača – sedam članova.

#### **Član 15.**

Vijeće ima predsjednika, zamjenika predsjednika određen broj članova u skladu sa članom 14. ove Odluke.

Predsjednika Vijeća biraju članovi Vijeća natpolovičnom većinom glasova ukupnog broja članova Vijeća. Mandat Vijeća traje 4 godine.

Predsjednik i članovi Vijeća mogu za svoj rad primati naknadu, čiju visinu utvrđuje Općinsko vijeće Maglaj posebnom odlukom.

#### **Član 16.**

U okviru svojih prava i dužnosti Vijeće:

- bira iz svojih redova predsjednika Vijeća,
- stara se o izvršenju svojih odluka i odluka koje građani donesu ličnim izjašnjavanjem na Zboru građana,
- podnosi godišnji izvještaj o radu Zboru građana,
- daje prijedloge za utvrđivanje liste prioriteta izgradnje objekata komunalne infrastrukture na području mjesne zajednice,
- razmatra inicijative građana za sazivanje Zbora građana,
- donosi odluku o upućivanju prijedloga Zboru građana za razrješenje članova Vijeća,
- odlučuje o davanju na korištenje prostora u objektu mjesne zajednice radi organizovanja kulturnih, sportskih ili drugih manifestacija,
- sarađuje sa odgovarajućim radnim tijelom Općinskog vijeća Maglaj i službama općine, nadležnim za poslove mjesnih zajednica,

-sarađuje sa drugim subjektima na području općine Maglaj  
-obavlja i druge poslove za koje ih ovlasti Općinsko vijeće Maglaj i načelnik općine.

#### **IV. IZBORI I PRESTANAK MANDATA ČLANOVA VIJEĆA MJESNE ZAJEDNICE**

##### **Član 17.**

Izbori za Vijeće se sprovode u skladu sa odredbama Zakona o principima lokalne samouprave, Statuta Općine, Statuta MZ-a, i uputstva koje donosi Općinsko vijeće.

Uputstvom iz stava 1. ovog člana propisuju se postupak kandidovanja i imenovanja članova biračkih odbora, način rada biračkih odbora, pravo i način predlaganja kandidata za članove Vijeća, i postupak sazivanja konstituirajuće sjednice Vijeća.

##### **Član 18.**

Odluku o raspisivanju izbora za Vijeće donosi Općinsko vijeće Maglaj.

Organ zadužen za sprovođenje izbora Vijeća je birački odbor.

##### **Član 19.**

Izbori za Vijeće se održavaju najkasnije 30 dana od raspisivanja izbora, jednoobrazno u svim mjesnim zajednicama..

##### **Član 20.**

Članovi Vijeća se biraju na Zborovima građana neposrednim javnim glasanjem ili tajnim o čemu se građani izjašnjavaju na Zboru.

Vijeće biraju građani koji imaju prebivalište na području mjesne zajednice u kojoj se vrši izbor. Zbor građana donosi odluku o izboru Vijeća ako zboru prisustvuje najmanje 10 % birača, koji imaju prebivalište na području mjesne zajednice za koju je zbor sazvan. Za članove Vijeća izabrani su kandidati koji su dobili najveći broj glasova birača koji su glasali na Zboru građana.

##### **Član 21.**

Član Vijeća ima prava i dužnosti:

- prisustvovati sjednicama Vijeća,
- predlagati razmatranja pojedinih pitanja iz djelokruga rada Vijeća,
- raspravljati i izjašnjavati se o svim pitanjima koja su na dnevnom redu Vijeća,
- obavljati poslove koje mu u okviru svog djelokruga rada povjeri Vijeće.

##### **Član 22.**

Predsjednik Vijeća rukovodi radom Vijeća i Zborom građana, saziva i predsjedava radom Zbora građana i Vijeća, potpisuje akte i obavlja druge poslove za koje ga ovlasti Vijeće, a koji nisu u suprotnosti sa zakonom, Statutom općine Maglaj i ovom Odlukom.

### **Član 23.**

Vijeće zasjeda po potrebi a najmanje jedan puta mjesečno i odlučuje na sjednicama.

Vijeće može punovažno odlučivati, ako je na sjednici prisutno većina od ukupnog broja članova Vijeća.

Vijeće donosi odluke većinom glasova prisutnih članova Vijeća.

### **Član 24.**

Obavjest o sazivanju sjednice Vijeća sa dnevnim redom, vremenom i mjestom održavanja dostavlja se članovima Vijeća najkasnije tri dana prije održavanja sjednice.

### **Član 25.**

Za svoj rad Vijeće je odgovorno Zboru građana.

### **Član 26.**

Mandat predsjednika, njegovog zamjenika odnosno člana Vijeća prestaje:

1. smrću,
2. na lični zahtjev,
3. istekom mandata,
4. odjavom prebivališta sa područja mjesne zajednice,
5. ako je pravosnažnom odlukom lišen poslovne sposobnosti,
6. razrješenjem

### **Član 27.**

Predsjednik odnosno član Vijeća može biti razriješen dužnosti i prije isteka mandata, ako duže vrijeme ne učestvuje u radu Vijeća, zbog dužeg odsustvovanja usljed duge i teške bolesti, nemoralnog i nedoličnog ponašanja, ako pravosnažnom presudom bude osuđen na kaznu zatvora dužu od 6 (šest) mjeseci za krivično djelo ili zbog zloupotrebe prilikom obavljanja poslova.

### **Član 28.**

Član Vijeća može biti razriješen dužnosti i prije isteka mandata, na Zboru građana, ako za njihovo razrješenje glasa natpolovična većina od ukupnog broja građana koji su prisutni na zboru.

### **Član 29.**

Prijedlog za razrješenje člana Vijeća, može podnijeti predsjednik Vijeća i bilo koji član Vijeća. Prijedlog je usvojen ako se za isti izjasni nadpolovična većina članova Vijeća. O prijedlogu za razrješenje člana Vijeća, odlučuje Zbor građana.

### **Član 30.**

Ako članu Vijeća prestane mandat prije isteka vremena na koji je izabran, član Vijeća postaje sledeći kandidat sa predložene liste kandidata koji je dobio najveći broj glasova prilikom izbora članova Vijeća..

#### **IV. FINANSIRANJE RADA MJESNIH ZAJEDNICA**

##### **Član 31.**

Sredstva za finansiranje rada mjesnih zajednica obezbeđuju se u budžetu Općine.

Osim sredstava iz stava 1. ovog člana sredstva za finansiranje mjesne zajednice mogu biti:

- sredstva građana koja se obezbeđuju samodoprinosom,
- sredstva zainteresovanih privrednih društava,
- donacija ili poklon građana, udruženja i međunarodnih organizacija i
- iz drugih izvora.

##### **Član 32.**

Objektima, osnovnim i drugim sredstvima koja za svoj rad koriste mjesne zajednice, upravlja i raspolaže mjesna zajednica.

Vijeće mjesne zajednice je dužno da obezbjedi namjensko korišćenje objekata i sredstava iz stava 1. ovog člana i sa istim da postupa pažnjom dobrog domaćina.

##### **Član 33.**

Rad Zbora građana i Vijeća je javan i dostupan građanima i sredstvima javnog informisanja. Odluke i zaključci Zbora građana i Vijeća obavezno se objavljuju na oglasnoj tabli u objektu mjesne zajednice.

#### **VI. PRELAZNE I ZAVRŠNE ODREDBE**

##### **Član 34.**

Sastavni dio ove odluke je karta područja mjesnih zajednica .

##### **Član 35.**

Danom stupanja na snagu ove Odluke, prestaje da važi Odluka o osnivanju mjesnih zajednica broj: 01-012-53/99 ("Službene novine Općine Maglaj" , broj 2/99 ).

##### **Član 36.**

Ova Odluka stupa na snagu osmog dana od dana objavljivanja u Službenim novinama općine Maglaj.

PREDSJEDAVAJUĆA OV MAGLAJ

---

## Pravni osnov

Pravni osnov za donošenje Odluke o osnivanju mjesnih zajednica sadržan je u odredbama člana 28. Zakona o principima lokalne samouprave ("Službene novine Federacije BiH", br. 49/06), i člana 18. Statuta općine Maglaj ("Službene novine općine Maglaj" br. ----- ).

## Obrazloženje

Na osnovu ukazane potrebe i prevaziđenosti postojeće Odluke o osnivanju mjesnih zajednica na području općine Maglaj pristupilo se izradi nove Odluke usklađene sa važećim pozitivnim propisima koji regulišu ovu oblast.

Razlog za donošenje nove Odluke je usklađivanje podataka o mjesnim zajednicama sa stanjem na terenu, uspostave registra mjesnih zajednica te boljeg, sadržajnijeg i preglednijeg uvida u stanje mjesnih zajednica.

PREDSJEDAVAJUĆA OV

---

Maglaj, \_\_\_\_\_

OBRADIVAČ:

Radna grupa :

1. 

2. 

3. 

4. 